


Plean Gníomhaíochta BAI 2021-2022

DUALGAS EARNÁLA POIBLÍ



ÚDARÁS
CRAOLACHÁIN
NA hÉIREANN

BROADCASTING
AUTHORITY
OF IRELAND

Réamhrá

Cuireann an tAcht fá Choimisiún na hÉireann um Chearta an Duine agus Comhionannas dualgas dearfach ar chomhlachtaí poiblí aird chuí a thabhairt ar cheisteanna a bhaineann le cearta an duine agus an comhionannas. Is oibleagáid dhlíthiúil é seo atá ar fáil in Alt 42 den Acht um Chearta an Duine agus Comhionannas, 2014.

Foráiltear in Alt 42: go bhfuil dualgas ar chomhlacht poiblí le linn dó a fheidhmeanna a chomhlíonadh aird a thabhairt ar an ngá atá le:

- Idirdealú a dhíothú;
- Comhionannas deiseanna agus córa dá bhfoireann agus do na daoine dá soláthraíonn siad seirbhísí a chur chun cinn, agus
- Cearta an duine atá ag a gcomhaltaí, a bhfoireann agus na daoine dá soláthraíonn siad seirbhísí a chosaint.

In Alt 42 den Acht, leagtar amach trí phríomhchéim atá le glacadh ag comhlachtaí poiblí. Is iad seo:

- Nuair a bhíonn pleananna straitéiseacha á n-ullmhú acu, ní mór do chomhlachtaí san earnáil phoiblí na saincheisteanna ábhartha um chearta an duine agus comhionannas a bhaineann lena bhfeidhmeanna a mheas agus a aithint. Ní mór na saincheisteanna seo a chur san áireamh ina bhfeidhmeanna go léir mar lucht déanta beartas, mar fhostóirí agus mar sholáthraithe seirbhíse.
- Ina dhiaidh sin, ní mór do chomhlachtaí poiblí na beartais agus na cleachtais atá i bhfeidhm acu i láthair na huairé nó a bheartaíonn siad a chur i bhfeidhm le dul i ngleic leis na saincheisteanna seo a aithint.
- Ní mór do chomhlachtaí poiblí na forbairtí agus an méid atá bainte amach acu ina leith sin, ar bhealach atá inrochtana don phobal a thuairisciú ina dtuarascálacha bliantúla, nó i gcáipéisí dá leithéid sin.

Ina Ráiteas Straitéise 2021-2023, geallann BAI cur chuige réamhghníomhach a ghlacadh i dtaca leis an dualgas seo a chur i bhfeidhm.

Tá cuspóirí agus feidhmeanna BAI mar atá leagtha amach san Acht Craolacháin 2009 (Acht 2009) ag teacht go díreach le cur chun cinn an chomhionannais agus cosaint a thabhairt do chearta an duine. I measc na gcearta seo, tá cearta ar nós saoirse tuairimí a nochtadh, cosaint do mhionaoisigh, inrochtaineacht agus comhionannas do dhaoine faoi mhíchumas, an ceart chun príobháideachta, an ceart chun leigheas éifeachtach a fháil, an ceart chun oideachais, agus an ceart chun cosanta i gcoinne idirdhealaithe. Cuireann Acht 2009 raon oibleagáidí trédhearcachta agus rialachais ar fhoireann BAI, ar an Údarás agus ar Choistí, lena n-áirítear iad siúd a bhaineann le hiompar eiticiúil. Mar sin tá cur chun cinn an chomhionannais agus réimse leathan de chearta an duine i gcroílár ár gcuid oibre agus ár luachanna eagraíochtúla. I measc ár luachanna tá cothroime, neamhspleáchas, saineolas agus cuntasacht. Tá BAI tiomanta i leith chultúr ionchuimsitheach a chruthú i leith measa, dínite, comhionannais agus cothroime sa chaoi a ndéileáimid leis an bpobal, lenár bpáirtithe leasmhara agus i measc ár bhfoireann.



In 2020, bhunaigh BAI grúpa stiúrtha ilréimsiúil inmheánach chun na hábhair a bhaineann le cearta an duine agus comhionannas maidir le feidhmeanna agus cuspóirí BAI a mheas. Ba é príomhfhreagracht an ghrúpa stiúrtha tuairisciú ar na sainréimsí oibre agus na beartais, na pleananna agus na tionscnaimh atá i bhfeidhm ag BAI chun dul i ngleic leis na hábhair seo. Ina measc seo tá, mar shampla, forbairt cód agus rialacha craolacháin a chosnaíonn cearta an duine i dtaca le lucht féachana agus éisteachta na hÉireann, fiosrúchán a dhéanamh ar ghearáin an phobail faoi na cóid agus na rialacha sin agus rochtain ar na meáin a chinntiú dóibh siúd atá faoi mhíchumas. Déanaimid plé leis an bpobal agus lenár bpáirtithe leasmhara go díreach inár bpróisis rialála, trí chumarsáid oscailte inrochtana i scríbhinn agus ar líne. Tugtar tús áite don chomhionannas, don éagsúlacht agus ionchuimsiú a chur chun cinn i Scéimeanna Forbartha Earnála agus Maoinithe BAI. Tacaíonn na scéimeanna seo le feidhmiú pleananna gníomhaíochta ar leith maidir le héagsúlacht, mar shampla na Pleananna Gníomhaíochta Inscne agus Gaeilge an BAI.

Cinntíonn BAI gur ionad atá san áit oibre a spreagann agus a thacaíonn leis an gceart chun dínit ag an obair, cóir chothrom agus meas ar ár n-indibhidiúlacht agus ár n-éagsúlacht. Tacaíonn ár mbeartais agus tionscnaimh mar Dhínit ag an Obair, Gnás Casoide, Oiliúint & Forbairt, agus ár gClár Folláine Fostaithe leis an gcultúr ionchuimsitheach seo.

Is féidir Tuarascáil Mheasúnaithe an Choiste Stiúrtha a léamh anseo: www.bai.ie. Ag eascairt as an Measúnú seo, thosaigh an Grúpa Stiúrtha ag obair ar Phlean Gníomhaíochta, a chuirfear i bhfeidhm i rith 2021 agus 2022.

Déanfaidh Foireann Bainistíochta Sinsearaí BAI, le tacaíocht ó Ghrúpa Comhairleach Foirne atá nuabhunaithe, maoirseacht ar chur i bhfeidhm an Phlean Gníomhaíochta. Beidh Dualgas na hEarnála Poiblí, a sonraíodh faoi gach ceann de na cúig (5) théama ina Ráiteas Straitéise 2021-2023, mar bhonn eolais i dtaca le hobair BAI, ach ina theannta sin, tá sé mar chuspóir faoin bPhlean Gníomhaíochta gníomhartha nua a aithint chun dea-chleachtas i ndáil le cearta an duine a fhorbairt agus a dhaingniú. Is iad na réimsí fócais ná oiliúint agus forbairt foirne agus folláine chomh maith le hinbhuanaitheacht, míchumas agus inrochtaineacht, comhionannas, éagsúlacht agus ionchuimsitheacht. Mar sin tá gné inmheánach agus seachtrach sa Phlean agus aithnítear gníomhaíochtaí a chuireann le hobair reatha BAI agus atá ag teacht le forbairtí a bhfuiltear ag súil leo i gcás BAI, is iad sin, na hathruithe reachtacha agus rialála a bhfuil súil leo sa tréimhse 2-3 bliana romhainn. I measc na n-athruithe seo tá trasuíomh na Treorach maidir le Seirbhísí Meán Ciosamhairc agus achtú an Bhille um Rialáil Sábháilteachta agus Meán Ar Líne. Déileálann an dá phíosa rialála le réimse leathan ceart agus saoirsí bunúsacha agus táthar ag cinntiú go bhféadfar a lán de na prionsabail, luachanna agus cosaintí céanna, atá ann chun cosaint a thabhairt do lucht féachana agus do pháistí i ndáil le seirbhísí craolacháin teilifíse, a chur i bhfeidhm maidir leis na hardáin ar líne. I measc na gceart seo tá Saoirse Tuairimí a Nochtadh, Saoirse Smaointeoireachta, Cearta an Linbh, an Ceart chun Príobháideachta, an Ceart chun Leigheas Éifeachtach a fháil, an ceart chun Saorchomhlachais, cearta maidir le Míchumas agus Comhionannas agus an ceart cosanta ó Idirdealú. De réir an phróisis atá leagtha amach ag IHREC chun dualgas na hearnála poiblí a fhorbairt agus a chur i bhfeidhm, déanfar Phlean Gníomhaíochta BAI a nuashonrú i 2022 le go mbeidh siad ag teacht leis na forálacha reachtúla nua.

Déanfar athbhreithniú bliantúil ar an bPlean agus tuairisceoidh BAI ar chur i bhfeidhm na ngníomhartha, atá leagtha amach sa Phlean, inár dTuarascáil Bhliantúil.



PLEAN GNÍOMHAÍOCHTA

AIDHM	GNÍOMH	SPRIOC AMA
<p>1. Foireann agus Cultúr BAI</p> <p><i>Cuirfimid cultúr measa, rannpháirtíochta, oscailteachta agus dínit chun cinn san ionad oibre le fócas ar leith ar oiliúint agus feachtas ár bhfostaithe maidir le cearta an duine agus an comhionannas.</i></p> <p><i>Tá foireann BAI ar an eolas go hiomlán agus ar bhonn leanúnach faoi thábhacht chearta an duine agus an chomhionannais i gcomhlachtaí poiblí agus téann siad i ngleic leis na hábhair seo ina réimsí oibre.</i></p>	<p>1.1 Grúpa Comhairleach Foirme a bhunú chun maoirseacht a dhéanamh ar chur i bhfeidhm Plean Gníomhaíochta um Dhualgas Earnála Poiblí.</p>	Ráithe 4 2021
	<p>1.2 Oiliúint maidir le Dualgas Earnála Poiblí a chur ar fáil don fhoireann (ag baint úsáide as uirlisí agus treoir IHREC) ar:</p> <ul style="list-style-type: none"> - Oibleagáidí dlíthiúla atá ar chomhlachtaí poiblí faoi Alt 42 den Acht um Chearta. An Duine agus Comhionannas 2014. - Tuarascáil ar Dhualgas Earnála Poiblí agus Plean Gníomhaíochta BAI 2021-2022 agus an cur chuige a ghlac an eagraíocht i leith an phlean a fhorbairt agus a chur i bhfeidhm. 	Ráithe 4 2021
	<p>1.3 An Clár um Bhainistiú Athruithe Foirme a chur i bhfeidhm chun cabhrú agus tacú le baill foirme le linn aistriú feidhmeanna ó BAI go Coimisún na Meán:</p> <ul style="list-style-type: none"> - Plean Oiliúna agus Forbartha Eagraíochta 2021-2022 BAI; - Plean Cumarsáide Foirme; - Clár Folláine Foirme; agus - Iniúchadh Cultúir. 	2021-2022
	<p>1.4 Leanúint le sraith ceardlann AD ar bheartais agus nósanna imeachta na foirme.</p>	Míosúil
	<p>1.5 Plé a dhéanamh leis an bhfóram caidrimh thionscail, go háirithe i leith:</p> <ul style="list-style-type: none"> - Aistriú feidhmeanna ó BAI go Coimisún na Meán (díscaoileadh BAI, san áireamh); agus - Nuashonraithe ar Bheartas BAI san Áit Oibre. 	2021-2022



<p>2. Inrochtaineacht & Comhionannas do dhaoine faoi Mhíchumas</p> <p><i>Éascaíonn agus tacaíonn BAI le ceart na saoránach rochtain a fháil ar sheirbhísí craolacháin na hÉireann agus an creat rialála a thacaíonn leis an rochtain seo agus cearta comhionannais eile a bhaineann leis.</i></p>	<p>2.1 Taighde maidir le hábhair a bhaineann le rochtain ar sheirbhísí craolacháin a mhaoiniú agus a choimisiúnú.</p> <p>2.3 Oiliúint maidir le Feasacht ar Mhíchumas agus Claonadh Neamhchomhfhiosach a chur ar fáil do lucht foirne an BAI.</p> <p>2.3 Freastalóidh baill den fhoireann túsline ar oiliúint feasachta maidir le Béarla simplí a úsáid.</p> <p>2.4 Sonraí a fhoilsiú maidir le gearáin a bhaineann le rochtain agus míchumas.</p> <p>2.5 Tá cumarsáid le áitritheoirí de chuid na hÉireann, atá faoi ghannionadaíocht curtha in áireamh sa phlean idirchaidrimh le páirtithe leasmhara BAI.</p>	<p>2021-2022</p> <p>2021</p> <p>Bliantúil</p> <p>Bliantúil</p> <p>Mar a thagann nithe chun cinn</p>
<p>3. Inbhuanaitheacht</p> <p><i>Déanann BAI caighdeáin arda cleachtais chomhshaoil agus shóisialta a threorú, a mhúnlú agus a chur chun cinn de réir Spriocanna Forbartha Inbhuanaitheachta na Náisiún Aontaithe.</i></p>	<p>3.1 Éascaíocht a dhéanamh agus tacaíocht a thabhairt do ghníomhaíochtaí an Líonra Inbhuanaitheachta Craolacháin a bunaíodh chun an 'Treochlár Inbhuanaitheachta don Earnáil Chraolacháin' a chur chun cinn.</p>	<p>Ráithe 4 2021 & 2022</p>



<p>4. Éagsúlacht agus Ionchuimsitheacht</p> <p><i>Cothóidh obair BAI tírdhreach meán atá ionrochtana do agus ionadaíoch ar éagsúlacht shochaí na hÉireann. Beidh idirchaidreamh leis na hearnálacha fuaimne agus closamhairc agus forbróimid tionscnaimh chun tacú le agus cur chun cinn na héagsúlachta, an chomhionannais agus ionchuimsitheachta sna meáin.</i></p>	<p>4.1 Leathanach gréasáin maidir le hÉagsúlacht agus lonchuimsitheacht a fhorbairt do shuíomh gréasáin BAI ina mbeidh léargas ar fáil ar obair BAI sa réimse seo.</p> <p>4.2 Creidiúnú Cré-umha de chuid Ionad Éagsúlachta na hÉireann a ghnóthú.</p> <ul style="list-style-type: none"> - Oilíúint shonrach a chur ar fáil. - Athbhreithniú a dhéanamh ar bheartais uile AD. <p>4.3 Bearta faoi Phlean Gníomhaíochta Inscne BAI 2021-2022 a chur i bhfeidhm agus a thuairisciú. Tá siad seo a leanas i measc na bpríomhbhearta:-</p> <ul style="list-style-type: none"> • Bailiúchán agus foilsiúchan sonraí faoi Scéim Maoinithe Craolacháin BAI. • Tionscadail taighde maidir le fiosrúchán agus cur chun cinn éagsúlachta san earnáil chraolacháin a mhaoiniú. • Tacú le príomhthograí inscne sa tionscal craolacháin. <p>4.4 Straitéis Eagsúlachta agus lonchuimsitheachta don Earnáil Chraolacháin a ullmhú.</p> <p>4.5 Bearta faoi Phlean Gaeilge 2021-2022 BAI a chur i bhfeidhm agus a thuairisciú, ina measc:-</p> <ul style="list-style-type: none"> • Tacú le taighde ar roghanna ceoil i nGaeilge do dhaoine óga. • Tuilleadh forbartha a dhéanamh maidir le tacaíochtaí ar líne agus tacaíochtaí eile do chraoltóirí. • Deiseanna comhoibríthe agus comhroinnte acmhainní a chur ar fáil do chraoltóirí. <p>4.6 Cinntiú go mbeidh an t-athbhreithniú atá le teacht ar Chóid agus Rialacha BAI (Cóid Cumarsáide Tráchtála, Cód um Chaighdeán Cláir, Cód Cothroime, Neamhchlaontachta agus Oibiachtúlachta, Rialacha Fógraíochta agus Teilishiopadóireachta agus Rialacha Rochtana) ag teacht leis na treoracha agus bunaithe ar chearta an duine agus an comhionannas.</p>	<p>Ráithe 4 2021</p> <p>Ráithe1 2022</p> <p>2021-2022</p> <p>2021- 2022</p> <p>2021- 2022</p> <p>2021-2022</p>
---	--	--

